



Universitätsbibliothek Paderborn

Tractatus De Libertatibvs Ecclesiæ Gallicanæ

Charlas, Antoine

Leodii, 1684

Cap. VI. An possint Principes Synodalium sententiarum effectum suspendere, atque à Judicibus Ecclesiasticis appellations in causis etiam Ecclesiasticis recipere.

urn:nbn:de:hbz:466:1-38227

M. C
libertate Ecclesie III
GIII 234

712 TRACTATVS DE LIBERTATIBVS,
Ecclesia Gallicana suarum libertatum vindices tantopere lau-
dat , tantiq[ue] facit. His adminiculis suffulciuntur celebres
illæ libertates. Illi sunt Canones , illa Patrum traditio , qui-
bus nituntur , nempe exempla violatorum ab Imperatoribus
sanctorum Ecclesiæ jurium.

C A P U T V I .

*An possint Principes Synodalium sententiarum effectum
suspendere , atque à Judicibus Ecclesiasticis appella-
tiones in causis etiam Ecclesiasticis recipere.*

1. **R** Ursus exemplum Theodosii junioris adhibet Marca lib. 4. cap. 4. num. 1. ut probet Principes posse senten-
tiæ in judicio Ecclesiastico latæ executionem suspendere , no-
vâ Synodo ad causam iterum tractandam inditâ ; quia nimi-
rūm , licet Cælestinus summus Pontifex cum Concilio Ro-
mano , & eum secutus Cyrilus cum Concilio Alexandrino ,
Nestorium à communione Ecclesiæ Catholicæ segregasset ,
nisi intra decem dies , ab admonitionis tempore numerandos ,
nefandam suam hæresim anathematizaret , Theodosius Syno-
dum generalem Ephesi celebrandam indicens , Romanæ &
Alexandrinæ sententiam interim effectum sortiri vetuit , quod
ex eo colligit , quod Nestorius tanquam Episcopus ad Syno-
dum vocatus , & in Synodo nominatus fuit. Sed , quam ha-
buit vim suspensi sententiæ à Conciliis Romano & Antio-
cheno contra Nestorium prolatæ , ea non Imperatoris Edicto ,
sed summi Pontificis indulgentiæ adscribenda est. Consultus
enim Cælestinus Romanus Pontifex à S. Cyrillo paulò ante
Concilium Ephesinum , utrùm Nestorius tanquam Episcopus
habendus esset , quippè cùm effluxisset tempus induciarum ei
ad anathematizandum errorem concessarum , respondit super-
sedendum exequendo judicio. Quæstio S. Cyrilli concepta
his verbis erat ; *Utrum sancta Synodus recipere debeat hominem à se pra-
dicata damnantem , an , quia induciarum tempus emensum est , sententia du-
dum lata perduret.* Respondit summus Pontifex ; *Super hac utique con-
sultatione communi , communem Dominum consulamus. Nonne nobis respondeat
illuc*

illid per Prophetam , mortem se nolle morientis ; & per Apostolum Paulum omnem hominem velle salvum fieri , & venire ad scientiam veritatis ? Numquam displaceat Deo accelerata in quocumque correttio . Epistolâ Cœlestini ad Cyrillum , Labbe tom. 3. Concil. Ephes. act. 2.

2. Quomodo potuit Catholicus Autor in animum induere, excommunicationis, & depositionis vim & effectum Edicto Imperiali suspendi. Hæc propositio, si de jure, ac in ordine ad conscientiam intelligatur, hæresis labo non carebit. Quamobrem de facto interpretari eam malumus, ut scilicet Principes pro eâ, quâ pollebant, potentia impedirent, aut remorarentur nonnunquam judiciorum Ecclesiasticorum executionem: hoc autem ab eis legitimè tunc tantum siebat, cum præcentem, acrogantem Ecclesiam sequebantur. Eorum enim auxilium implorare cogebantur Pontifices, & Synodi adversus contumaces, & interdum rabidos Ecclesiæ hostes, ut vide est in exemplis ab Autore relatis num. 2. & 4. ejusdem cap. 4. scilicet S. Leonis Theodosium interpellantis, ut suspendi juberet executionem secundi Concilii seu Latrocini Epheſini, nec non Legatorum sanctæ Sedis invocantium auxilium Judicum in Synodo Chalcedonensi, adversus illius Synodi decretâ, quæ Canonibus Nicæniis erant contraria. Absurdum autem est, eam Legatorum petitionem appellatione tanquam ab abuso explicare: quasi Judices à Martiano delegati fuissent ad judicandas appellations de Canonibus violatis interjiciendas, & ad eos appellasset Legati S. Leonis à Concilio Chalcedonensi, suis Canonibus Canones Nicænos violante.

3. Jus aliud , inquit Marca nūm. 6. à Justiniano continuatum ; vel institutum legimus , scilicet , ut ab Episcopis Imperatoris rescripto delegatis ad controversiam Ecclesiasticam dirimendam , Princeps ipse appellaretur. Sed in Justiniani loco , quem refert ex novel. 123. cap. 21. causarum Ecclesiasticarum nulla fit mentio . Si tamen (verba sunt Justiniani à Marca exscripta) Imperiali fūssione , aut judiciali precepto Episcopus judicat inter quascumque personas , appellatio ad Imperium , aut ad eum , qui transmisit negotium , referatur. Verba illa , inter quascumque personas , indicant potius causas profanas , quæ si Episcopis , ut fiebat interdum , commissæ fuissent , & ab eo

X x x x rum

M. C
liber
Eccles
G III
234

714 TRACTATVS DE LIBERTATIBVS,
rum sententia fuisse appellatum , ad committentem perse-
renda erat appellatio , inter quascumque personas esset con-
troversia , id est etiam si Clericatus honore esset insignis ,
quia res non persona tunc attendebatur. Quæ interpretatio
ex eo , quod præcedit , confirmatur. Statuit enim Justinianus ,
ut , si Judex sententiam Episcopi in causa contra Clericum
aut Mönachum sive Monacham , justam cognovissem , eam
executioni demandaret , amotam omni appellatione. Si Judex in-
justam declarasset , posset ab ejus declaratione appellari secun-
dum legum ordinem ; id est , ad legitimum Superiorum secun-
dum rerum conditionem. Addidit postea verba suprà relata ,
quibus decernit in causis delegatis ab Imperatore aut alio , ad
ipsum delegantem esse appellationem emittendam , sine perso-
narum distinctione. Sed si de causis profanis id non accipitur ;
quid aliud effecit Imperator , quam culpam addidit culpe ,
& primam causæ cognitionem delegans , & appellationem si-
bi reservans ?

4. Hoc delegationis genus S. Gregorio non ingratum fuisse
colligit Marca ex iis , quæ gesta sunt in causa Adriani Thebanæ
Civitatis Episcopi : sed frustra. Cum Adrianus à Diaconi suis
accusaretur de pecuniariis , criminalibusque capitulis , Mau-
ritius Imperator Joanni Episcopo Larissæ causam commisit.
Sed cur placuit Marcæ hanc delegationem vocare ? Cum enim
prædictus Joannes Metropolitanus esset Adriani , an . qui ex
tot Canonicis Ecclesiasticis Judex erat , Principis indigebat
delegatione ? De pecuniariis quidem permisit Imperator , ut
Metropolitanus ferret sententiam ; de criminalibus vero post
examen ad se referri voluit.

5. Si tam religiosus fuisse Marca in conservandis summo-
rum Pontificum iuribus , quam in extendenda Regum poten-
tia profusus ; factum illud ita fuisse interpretatus , ut Mau-
ritius ordinem canonicum secessus , Episcopum ad proprium
Metropolitanum remittens , pecuniarias quidem causas ab eo
definiendas duxerit , criminalias vero tantum examinandas ;
ut , si forte reus deponendus esset , Romani Pontificis sen-
tentia requireretur. Agebatur enim de neglecta ab Adriano
correctione Stephani Diaconi turpem vitam degentis , & de
negato Baptismate Infantibus , non recepto illo Sacramento

defunctis, ut refert S. Gregorius regest. lib. 2. epist. 46. quæ est 7. inductionis 11. Nec careret optimis conjecturis illa opinio. Primo enim illa crimina Ecclesiastica sine dubio sunt, & ad Ecclesiasticam cognitionem magis spectant, quæ causæ pecuniariæ, de quibus Metropolitanus permisus est jus dicere. Secundò re ipsâ de criminibus illis ex Imperatoris assensu judicavit Honoratus sanctæ Sedis Diaconus, cum uno ex Officialibus Imperii, judiciumque ab Imperatore approbatum fuit; siquidem fuerat illa Mauritii mens, non immerito ejus rectas iuris appellarunt S. Gregorius.

6. Quod spectat delegationem Joannis Episcopi primæ Justinianæ, qui Thebani Judex ordinarius non erat; S. Gregorius testatur eam fuisse fraude elicita. Nescio, inquit prædictâ epistolâ 46. quibus machinationibus exquisitis alia rursus est principis iusso elicita, ut de cunctis antefactis capitulis Joannes primus Justinianæ Episcopus requirens subtiliter judicaret. Sunt autem tum in ea, tum in præcedenti epistolâ multa, quæ demonstrant Principum delegationes juri superiorum Ecclesiasticorum, præcipue summi Pontificis non posse, nisi forte per vim, quidquam detrahere. Nam S. Gregorius sententiam contra Adrianum, tum Metropolitanum, quem Marca vult jure delegato processisse, tum Joannis Episcopi primæ Justinianæ, quem delegarat Mauritius, non obstante delegatione Principis irritas declaravit, & in ipsis Judices animadverxit; ut constat ex epistola suicitata, & ex præcedenti: quod certè non attentasset S. Pontifex, nisi suæ fibi potestatis conscius intellectisset, supremum illius negotii judicium ad se pertinere, Judicesque, qui primam tulerant sententiam, quantumvis intervenisset Imperatoris opera, etiam in ea ferenda, à se pependisse, sibique subjaciisse.

7. His Ecclesiæ vulneribus à se inflictis lenimentum apponere se simulat Marca num. 7. docens graviora inferri solere ab Imperatoribus Constantinopolitanis, quorum tamen usum juris nomine decorat, quæ à Regibus Franciæ; patiori jure rebeatim Imperatores Constantinopolitanæ, &c. Quæ idè communemoravi, inquit, ut constaret omnibus Reges Francorum cautiùs, & reverenter se gesisse in his controversiis, quæ disciplinam respiciunt. §. etiam 8. observationibus quibusdam, sed ad sanandum malum non omni-

M. C
716 TRACTATVS DE LIBERTATIBVS,
nō efficacibus , quæ hucusque dixerat , in isto libro non ni-
hil temperare conatur. Sribit enim v. g. ad Imperatores Ro-
manos de judicio canonico ab uno Episcopo redditio , que-
relam statim rectâ viâ non fuisse delatam in materiâ fidei ,
rituum , disciplinæ Cleri , aut in alia quæstione canonica ;
sed parum juvabat Ecclesiam ille ordo , siquidem mediatae ,
sub prætextu delegationis , aut aliis modis parum canonici-
cis , hujusmodi causas tandem Principes ad se trahebant.

C A P U T V I I .

De autoritate Regum & Episcoporum Francie.

1. **S**I Reges Francorum cautius , & reverentiū , se gesse-
runt in controversiis , quæ disciplinam Ecclesiasticam
respiciunt , quām Imperatores Romani , ut affirmavit Marca
sub finem capituli 3. §. 7. id eorum pietati , non defecui juris
tribuendum esse vult ; quandoquidem statim initio cap. 5. ait ;
*Quemadmodum Imperii Romani mole in varias partes dissecta , Galliarum Provin-
cia in victoria premium Francorum Regibus Divini Numinis auspiciis cesserunt ;*
ita etiam Imperii jura plenè , & integrè cum eis communicata sunt ; precipue
vero tuitionis Ecclesiasticae cura Reges nostros respexit , postquam gloriosissimus
Princeps Clodoveus Pagana impietatis labe aguis divini lavaci feliciter abster-
sa , in Ecclesia Catholica filium primogenitum adoptatus est. Quantam
sibi vim faciat Autor , cum effusam Principum in Ecclesiasti-
cam jurisdictionem præsumptionem cohibere cogitur , ne
omnino non Catholicus videatur , diù dissimilare non potest ,
cū statim , quod Ecclesia reliquerat , repete tentet. En-
hocce §. primo , quando sperabas magnam Ecclesiasticæ autori-
tatis securitatem in Gallia , ex quo Reges Ecclesia filii , at-
que adeo in spiritualibus , & Ecclesiasticis rebus subditi , ef-
fecti sunt : ita supra Ecclesiam effreruntur , ut possint ipsi
quidem Episcopos , Canones violantes , corrigere , non pos-
sint autem ipsi ab Episcopis corrigi , si similis violationis rei
sint. Hoc igitur præstat Baptismus , ut qui in Ecclesiam ad-
mittitur , ab Episcoporum censura eximatur.

2. At , inquires , non tam Marcæ opinio est , quām Gre-
gorii